

羣情仍回啓于

上曰

慈殿再三懇惻下教其遇災恐懼之

意朝廷亦豈不知然大禮不可廢也自古皆然不可獨廢於今

請轉達勉從古禮

彥弼顧謂三公曰

慈殿之教如是懇至其

如此而敢請以必行是禮者是防其善端姑停更啓當於他日災異并絕水害既去之後更議以啓何如尹仁鏡曰大禮不可廢也牢拒不從彥弼再三顧議欲停更啓

慈殿答曰朝廷雖倣

古禮反覆啓之然予素以不德逢天災若是其甚民生之困悴亦甚初上則已矣加上大禮何敢安受 主上亦強請而反覆

計之當此遇災之時受其慶事極為未安故不得勉從待 主上長成時亦和平修舉古禮亦或可為今則決不可為之 上

傳曰朝廷之意如是懇至故予亦將此意累達則 慈殿以未

安之禮不敢安然受之予亦為悶○夜南方北方乾方如火氣

甲辰全羅道御史閔釜以列邑民弊書啓傳曰並下該司議其

便否回啓可也且聞全羅道軍士等上番日迫爭涉深水而軍

裝糧橐盡數漂失赤手號泣於江邊者七十餘人云其言于兵

曹○以韓岬為承政院左承旨祭世英為右承旨丁應斗為左